

Vom Uhrwerck.

licher hette können für augen gestellet werden/
dan durch den Mondschein.

Also ist dis die beschreibung des mittlers boden da auch zwen Löwen stönd die der statt Straßburg wappen halten / an welcher statt wir etwas anders zu setzen / vorhabens gewesen / das auch mehr bedeutung gehabt hette / aber etlicher vngelegenheyt halben / die dazumal fürfühlen verbliben / vnd dise zwen Löwen an statt gesetzt seind worden / auch ist auff disem mitler boden das Uhrwerck / welches alle die redder hat / die zu dem ganzen werck gehörig / vnd die haubt Redder billich genennet werden mögen.

Von dem obern boden da die vier alter die viertheil stunden schlagen.

Das sibendi Capitel.

Auff disem obern boden / ist ein Radd darauff die vier alter herum gehn / vnd die viertheil stunde schlagen / an den Cymbalen / so dahin zu disem werck vnd thun / derhalben gesezet seindt / auch so ist noch ein kleine außladung über diser / auff welcher der Todt vnd Saluator auff einem Radd gesezet gehn / vnd der Thodt die stunden schlecht / auch gleichfals mit Christo streitet / welches auch mit den alteren dem Thodt

B